

کتاب طبر

اون بش کونده بر نشر اولور دینی ، علمی مجموعه اسلامیہ در

صاحب و مدیر مسئولی

ابو العلاء زین العابدین

تاریخ تأسیسی

۱۳۳۰

عدد : ۴ ۲۷ جمادی الآخر سنہ ۱۳۳۰ یخشنبہ ۳۱ مایس ۱۳۲۸ برنجی جلد

حقوق

قانون اساسی نك اوتوز بشنجی ویدنجی و اوتوز سكرنجی ماده لرینك تعديلاتنه

عائد تكلیفات ایله بو تكلیفاتك اسباب موجب مضبوطه سی

برحکومت مشروطه معتدل و سالم برشکده دوام ایده بیلیمک ایچون لازم اولان شرائطک برنجیسی نظریات و تجاربک ارائه و اثبات ایتدیکی وجهله بونوع حکومتک ایکی عضو اصیلی اولان قوه اجرائیه ایله قوه تشریعیه بیننده هرجهتله عدل و موازنهک تأسس و استقراریدر. حکومت مشروطه ده بوعدل و موازنتی جدی و حقیقی بر صورتده تأمین ایدن چاره یکانه ایسه مقام سلطنتک الک مهم و مؤثر برحق و حاکیت ملیهک الک قوی برکفیلی اولمق اوزره مجلس مبعوثانی فسخ ایده بیلیمک ویرینه درحال یکی برهیئت مبعوثان کتیریمک اوزره قانون اساسی ایله معین بر زمان ظرفنده منتخبلری انتخابات جدیده اجراسنه دعوت اینک امریدر.

وقتیله حکمدارلغه مخصوص و حکمدارک آرزوی شخصینه آلت کبی تلقی اولنان حق فسخ زمانمزده وضع حقیقیسی بولش و مملکتک جدا منافعه خادم برحق معروف اوله رق طامنشدر. شویله که بوحق پارلمانتر اولان هر حکومت مشروطه ایچون برشرط ضروری حکمنی آلمش، حقوق انتخابیهک الک بیوک ضائی و مجلس مبعوثانک مملکت ایچون دائماً تهلکلی اولان تحکمانه، النده کی قوتک محتمل اولان تعديلاتنه قارشو حاکمت ملیهک الک امین برسندی اولمشدر.

بر حکومت مشروطه، مجلس مبعوثانک تعقیب ایلدیکی سیاستی ملنک امانه موافق بولمیدنی حالده آتی فسخه مقتدر اولمی و فسخ ایلیدر. بویله بایمق هر وقت حقیقی برمحضر عام اصولی اختیار دیعکدرکه بو طریق ایله حکومت مملکتک آرزو و منافعه مغایر بولمیدنی سیاستی حضور مبعوثانن آله رق محضر ملته عرض ایتش اولور و صوک سوزی هیئت عمومی ملته براقیر.

طقسان اوج قانون اساسیسی حق فسخدن ایکی ماده ده بحث ایدیور. برنده صورت مطلقه ده فسخ ذکر ایدیلیور، دیگرنده برحال خصوصی فسخ بیان اولنیور.

اولاً یدنجی ماده « لدی الاقتضا هیئت مبعوثانک اعضاسی یکیدن انتخاب اولنحق شرطیه فسخی حقوق مقدسه پادشاهی جمله سندندر » فقره سی ایله حق فسخی مطلق اوله رق ذکر ایدیور و اونوز بشنجی ماده سنده ایسه « وکلا ایله هیئت مبعوثان آرمسند اختلاف اولنان ماده لردن برینک قبولنده وکلا طرفندن اصرار اولنوبده مبعوثان جانبندن اکثریت آرا ایله و تفصیلاً اسباب موجبہ بیانیه قطعاً و مکرراً رد ایدلیدیکی حالده وکلانک تبدیلی و یا خود مجدداً مدت قانونیه سنده انتخاب اولنحق اوزره هیئت مبعوثانک فسخی منحصر آید اقتدار حضرت پادشاهیده در » دینور .

یدنجی ماده مجلس مبعوثانک فسخی نه وقت اقتضا ایدر ایسه حقوق پادشاهی صرسته وضع ایدیور . یعنی مطلق اوله رق اقتضا ایله بیان ایدیور . اقتضاسر ایش کوریه میه چکدن عمل اقتضایه مبنی در قاعده اساسیه سه نظرراً ماده ده کی اقتضانک تقدیری ذات حضرت پادشاهینک تصویبته تعلیقاً و روح مشروطیته توفیقاً بالطبع وکلای مسئولیه عائد اولحق ایجاب ایدر .

اونوز بشنجی ماده ایسه مجلس مبعوثانک فسخی وکلا ایله هیئت مبعوثان آرمسند اختلاف وقوعنه و اختلاف اولنان ماده لردن برینک قبولنده وکلا طرفندن اصرار اولنمنسه مقابل مبعوثان طرفندن اکثریت آرا ایله و تفصیلاً اسباب موجبہ بیانیه قطعاً و مکرراً رد ایدلمنسه تعلیق ایدیور و بو حالده دخی وکلانی تبدیلیک و یا مجلس مبعوثانی فسخ ایتمک شقارندن برینک اختیارنده ذات حضرت پادشاهی مطلق بر اقیلیور . بوماده نک عبارہ و مالی تدقیق و تحلیل ایدیله چک اولورسه کوریلیرکه بوماده یالکزر فسخه منحصر دکلدر . مجلس مبعوثان ایله حال اختلافده بولنان هیئت وکلانک تبدیلی کیفیتی ده متن قانونده مصرحلدر .

طقسان اوج قانون اساسی سنده موجود اولان یدنجی و اونوز بشنجی ماده لرنک تدقیق و تحلیلندن و بر برینه تقریب و قیاسندن صراحتاً تبیین ایدیور که ذات حضرت پادشاهی یدنجی ماده موجبنه حین اقتضاده مجلس مبعوثانی فسخ ایلمک حقنی حازر اولدینی کی اونوز بشنجی ماده نک مفادیه نظرراً مجلس مبعوثان ایله هیئت وکلا بیننده اختلافک دوامی حالنده مجلسی یا فسخ و یا وکلانی تبدیلی ایتمک امرنده مخیردر .

قانون اساسینک مذکور یدنجی و اونوز بشنجی ماده لری اخیراً تعدیل اولدینی وقت

يدنجي مادهده مطلق ذکر اولنان « ولدی الافتضا هیئت مبعوثانك اعضاسی یکیدن انتخاب اولنق شرطيله فسخی » جمله سی اوتوز بشنجی ماده موجبنجه « مجلس مبعوثانك اوج ای ظرفنده انتخاب اولنوب اجتماع ايتك شرطيله و هیئت اعيانك موافقتيله » صورتنده تقید اولنمش و اوتوز بشنجی ماده ایسه بعدالتعديل شو شکلي آلمشدر « وکلا ايله هیئت مبعوثان ازمسنده اختلاف وقوعنده وکلا رأینده اصرار ایدوبده مبعوثان جانبندن قطعياً و مکرراً رد ایدلديکی حالده وکلا مبعوثانك قرارینی قبوله ویا استغفايه مجبوردر . استغفا تقدیرنده یکی کلان هیئت وکلا هیئت سابقه نك فکرنده اصرار ایدر و مجلس اسباب موجبه بیانيله ینه رد ایدر ایسه یدنجی ماده موجبنجه انتخاباته باشلا نلق اوزره ذات حضرت پادشاهی مجلسی فسخ ایدیلور . فقط هیئت جدیده مبعوثان اولکی هیئتك رأینده ثبات و اصرار ایدر ایسه مجلس مبعوثانك رأی و قرارینك قبولی مجبوری اوله جقدر . »

بو تعدیل ايله بتون حکومات مشروطه حکمداراننه طائمش و جمله دولترك قانون اساسیلرنده معتبر بولنمش اولان بر حق اساسی پادشاهی ابطال ایدلش اولدینی کی هررده فسخی مقتضی اولان اسباب و احوال دن یالکیز بر حاله مخصوص و منحصر اوله رق ابقا اولنان حق فسخ حکمداری او مرتبه تضییق و تقید اولنمشدر که عادتاً تطبیق و اجراسی مستحیل برشکه افراغ اولنمشدر .

ایشته بو صورتله عدل و موازنت قوا قاعده اصلیه نك فاحش بر صورتده اخلاص اولنمشنك نتیجه و خیمه سی اوله رق قوه اجراییه قوه تشریعیه نك النده زبون قلش و بو حال ايله ملت و مملکته قارشی متعهد بولندینی خدمتی حقیه اقایه مقتدر اوله میهرق هله شو صوک زمانلرده مملکته نوعاً بر حکومتنرک فلا کتی یوز کوسترمش ایدی . بو حالک باشلیجه سبی دیدیکمز کی قوتین بیننده وجودی لایه اولان موازنتنرلکك نتیجه ضروریه سی اولدیغنه حکومتجه قناعت کامله و یقین حاصل اولدیغندن مجلسك اوزمانده کی احوال روحیه سی نظردقته انه رق حقوق پادشاهینك ایجاب عدل و موازنته بناءً توسیعنه مدار اولق اوزره یالکیز اوتوز بشنجی ماده نك تکرار تعدیلنی هیئت سابقه مبعوثانه تکلیف ایتش ایدک ، حکومتك تکلیف ایتش اولدینی تعدیل شونندن عبارت ایدی « وکلا ايله هیئت مبعوثان ازمسنده اختلاف وقوعنده وکلا رأینده اصرار ایدوب مبعوثان جانبندن قطعياً و مکرراً رد ایدلديکی حالده وکلانك تبدیلی و یا خود اوج ای ظرفنده

مجدداً انتخاب اولمق اوزره هيئت مبعوثانك فسخي و حال حربده مجلس عمومينك موقتاً تعطيلي حقوق حضرت پادشاهيندر . مجلسك فسخرده هيئت اعيانك رأى و قرارينه مراجعت ايدوب ايتماك منحصرأيد اقتدار حضرت پادشاهيدهدر . فقط هيئت جديده مبعوثان اولكي هيئتك رآينده ثبات و اصرار ايدر ايسه مجلس مبعوثانك رأى و قرارينك قبولي مجبوريدر .

اتحاد و ترقى فرقهسى پروگرامنك يدينجي مادهسنده معدل اونوز بشنجي مادهنك « وكلا ايله هيئت مبعوثان آرهسنده اختلاف اولنان مادهلردن برينك قبولنده وكلا طرفندن اصرار اولنوبده مبعوثان جانبندن اكثريت آرا ايله و مكرراً رد ايدليكي حالده وكلانك تبديلي ياخود مجدداً اوچ ماه ظرفنده انتخاب اولمق اوزره هيئت مبعوثانك فسخي حقوق پادشاهي جلهسندندر . » صورتنده تعديلي تكليف ايديله جكدرد ، و اعيانك موافقتي شرطى معتبر اوليه جقدر « دينلمسسه و بونك اونوز بشنجي مادهيه تعلق اعتباريله روح و حكمت فسخره موافق و ملايم كورنمسسه و او پروگرام دائرهسنده اعلان افكار ايدن اتحاد و ترقى فرقهسى انتخابات جديددهده اكثريت عظيمه يي احراز ايتديكنه نظراً اكثريت ملتك آراسي دخي اونقطهده منجلى بولنمسسه بناءً حكومت شمديدن اكثريت فرقهسى ايله بوبابده هم فكر بولنديغنى بيان ايتمش اولمق اوزره اونوز بشنجي مادهنك تعديلي خصوصسندنكي تكليف سابقى شو صورته افراغه لزوم كورمشدر : « وكلا ايله هيئت مبعوثان آرهسنده اختلاف اولنان مادهلردن برينك قبولنده وكلا طرفندن اصرار اولنوبده مبعوثان جانبندن اكثريت آرا ايله و مكرراً رد ايدليكي حالده وكلانك تبديلي ويا اوچ آي ظرفنده انتخاب اولمق اوزره هيئت مبعوثانك فسخي حقوق پادشاهي جلهسندندر . »

افنديلر ! اونوز بشنجي مادهنك بوجه بالا تعديلي حقنده حكومتك بوكره تجديد ايدليكي تكليف ايله يدينجي ماده معدله بيننده اودرجه رابطه قويه و تعلق شديد موجوددركه برينك تعديلي ضرورياً ديكرينك تعديلى اقتضا ايدر . حكومت اويله مطالعه ايدويوركه كرك اصلاً كرك معدلاً اونوز بشنجي مادهنك تعيين و تقيد ايتديكي كيفيت فسخره تكليفات قانونيه و قانون اساسينك يوز اون آلتينجي ماده اصليهسى والى دردينجي ماده معدلهسى احكامنه كوره ثلثان اكثريت مشروط اولان مسائلنه منحصردر . كرك ماده اصليهده كرك تعديل تكليفنده اصرار ورد قطعى و مكرر قيدلرينك وجودى . هيئت اعيانك رآيني

آلماق خصوصنده ذات حضرت پادشاهینک حق اختیاری ، هیئت جدیده مبعوثان اولکی هیئتک رأینده نبات و اصرار ایده جک اولور ایسه مجلس مبعوثانک رأی و قرارینک قبولی مجبوری بولمنی هب او حکومه مبتنی عد ایدیله بیلیر . چونکه مسائل قانونیه مستثنی اولانجه وکلا ایله هیئت مبعوثان بیننده تصور ایدیله جک اختلاف خصوصنده پارلمانتر اولان حکومتلرده یالکیز برحال دها قبول ایدیله بیلورکه بوده وکلانک مجلس مبعوثانده مستند بولندینی فرقه نك اکثریتی ضایع ایتمسيله ظهور ایدر . انجق بو صورتده دخی قانون اساسینک معدل اوتوز سکیزنجی ماده سی موجبنجه وکلانک سقوطی ایجاب ایده جکندن اختلافک دوامنه اصلا محل قالماز شوقدرکه بویله برحاک ظهورنده منفعت مملکت وکلانک محافظه سنی ، مجلسک فسخی اقتضا ایدیور ایسه ذات حضرت پادشاهی به یدنجی ماده معدله نك تکرار تعدیلله بالمله دول مشروطه قانون اساسیارنده موجود و معتبر اولدینی کی لدی الاقتضا مجلسی فسخ ایلک حق تسلیم واعاده ایدلیدی تقدیرده احوال محتماک دخی ماده مذکورده حکمنه داخل اولسی طبعیدر .

افندیلر ! بوکون هیچ بر حکومت مشروطه یوقدرکه مجلسک فسخی یالکیز برحال یعنی وکلا ایله مجلس مبعوثان ارسنده اختلاف ظهورینه و بو اختلافک دوامنه حصر و تعلیق ایدش اولسون . زیرده بیان اولنجهنی وجهله حیات سیاسیّه دولده مجلس مبعوثانک فسخی اقتضا ایدن اسباب واحوال اوقدر کثیر و مغلط درکه بونلری سلامت مملکت دوشونیه جک اولورسه برجهله قانونیه ده تعداد و تخصیص ایتک ، قیید و تصریح ایلک ممکن اولسه بویله مضر اولور .

ینه دوشونلیدرکه قانون اساسیمزده مجلسک فسخی امرنده حق شاهانه نك تصرف واستعمالی اختلاف ظهورینه و اختلافک دوامنه مشروط و موقوف بولنه جق اولور ایسه ، حکومت سلامت وطن اندیشه سيله مجلسک فسخنه ضرورت کوردکجه بر اختلاف ایجادینه مجبور قاله جق ، بر صنیعه فسخ احداث ایلکه مضطر بولنه جق ، تعبیر صحیحی ایله قانونی بر ضربه اتخاذی کی بر تدبیر فوق العاده ابرامی مواجهه مننده بولنه جقدیر .

مجلسک فسخی یالکیز بویله اختلافه معلق قالمالیدر . سلامت مشروطیت ، نجات مملکت بونی ایجاب ایدر . شمدی به قدر دول مشروطه حیاتنده بزه درس اولان تجاربه نظراً مجلس مبعوثانک فسخی ایجاب و اقتضا ایدن اسباب واحوال حقیقه تصذیف ایدیله مز ایسه ده شویله

خلاصه ايديله بيلور . بونلر كاملاً وكلا ايله مجلس مبعوثان بيننده ظهور و دوام اختلافاتك بتون بتون خارچنده اولان امور و خصوصاتدر .

في الواقع اختلافات يالكز وكلا ايله هيئت مبعوثان بيننده اولمز منتخبلر ايله مبعوثلر بيننده اولور ، مجلس مبعوثان ايله هيئت اعيان اره سنده اولور . مجلس مبعوثانده كي فرقلر بيننده اولور .

ازجمله قواي حكومت ايله افكار عموميّه ملت بيننده تحالف و تناكر دولت ايچون بيوك بر مخاطره در .

بوحالده منتخبلرك مجلسده حكومتهده امنيتلري منسلب اوله رق انلرك دوام خدمت و مأموريتلرندن منفعل اولور وبالاخره بو انفعال واغبرار بر هيچان شديد انقلاب ايده بيلور .

بيوك بر محرر سياسيئك ديديككي كي افكار عموميّه بر طرفه پارلمنتو ديكر طرفه بولنه جق اولورسه اختلاف قيوده ، نظام اجتماعي مخاطره ددر . بوحال شوصورتله واقع اوله بيلور . قاينه مجلس مبعوثانده اكثرتي حارز بولنور و بناء عليه مجلسي اولدين كي محافظه ايتك ايستر ، حالبوكه كرك هيئت وكلا كرك بو هيئتك مستند بولنديني اكثريت مبعوثان افكار عموميّه ملتده قدر و اعتباردن دوشمش اولور . بونك يكانه علاججي مجلس مبعوثاني فسخ ايله مبعوثلري حاكمكري اوكنه كوندرمك وبوصورتله منافع وطن ايچون مبعوثان ايله منتخبلر بيننده وجودي لازم اولان وفاقي تأمين ايلكدر . ايسته بر حال مبرم كه وكلا ايله مجلس بيننده هيچ اختلاف بوق ايكن مجلسك فسخني الزام و ايجاب ايديور .

ثانياً : مجلس عموميلرك ثنائي واره لرنده اختلاف ظهور ايتك احتمالي حق فسخه يكي و غايت فائده لي بر محل تطبيق اعداه ايتشددر . واقعا كرك مملكته لزومي اولان قوانينك تدقيقنده و كرك تصديقنده هيئت اعيان ايله مجلس مبعوثان بيننده اختلاف بولنديني حالده بوكا برچاره حل بولوق اقتضا ايدر . اعياني حكمدار طرفندن منصوب اولان مملكتلرده بولنان برنجي چاره هيئت اعيانه اعضا علاوه ايتكددر . فقط بزم كي هيئت اعيان اعضاسي قانوناً محدود بولنان مملكتلرده بوچاره هروقت تطبيق ايديله ميه جكي كي اختلاف واقعده اصابت رأي هيئت اعيان جهتمنده اوله بيلور . بويله براختلافك تمامديسي حالنده دخي ياييله جق شي اعيانك اصرار بيه قارشي برنجي چاره ميه مراجعت ايديله ميه جك اولدين تقدريده انتخابات جديده

اجرا اينديرمك وبوصورتله حاكميت مليه نك هيئت اعيان اوزرنده قدرتي اولانجه بلاغتيله حس وتجربه اينديرمكدر . ديمك ينه مجلس مبعوثانك فسخي لازم اوليور . مختلف فيه اولان مسئلهده ملتك فكر وارزوسي نوصورتله تجلي ايدر ايسه هيئت اعيان دخي اوفكر وارزويه قارشى اتقياد لزومنى كنديله كنددن تقدير ايتمش اولور .

اختلاف ايكي مجلس بيننده دكل بر مجلسده عددآ مساوى ايكي قرقره بينده ياخود هيچ برى اكثري حائر اوليان متعدد فرققلر بيننده ظهور ايدمبيلير . اوصورنده كه مجلس مبعوثانده بوفرقلر يكديكريله مجادله ايدرلر ، فقط ائتلاف ايدم مزارلر . بونوع اختلافلر مجلس مبعوثانده دائما وقوعه كلان احوالنددر . پارلامنتورده زمان زمان تشمت ايدن اختلافلر بوكا شاهددر . بويله انقسام واختلافلر اكثريا حكومتى غير ممكن برحاله كتيرير . چونكه موقع اقتدارده بولنان فرقه هرسييله ايله اقليته دوشه چك بروضمينده بولنور . يرينه كله چك مخالف فرقه دخي ايرتمى كون عين حاله كرفتار اولمغه معروض قالير . هركون الدن اله تداول ايدن ، قرارى اوليان بر اقتدار ايله هيچ بر حكومت دوام ايدم من . ايشته اووقت مجلس مبعوثانده حكومت اكثريته بدل مجادله ومناقشه اكثريتي تشكل ايتمش اولور . بوكي احوالده مختلف فرققلردن مركب بر قابينه تشكيلى تصور ايديله بيلور . آنحق بويله مختلط بر قابينه نك رئيسى فرققلر بيننده مامشات ايله نفوذلى كوردىكي مبعوثك معاونتى اكتسابه ، جلب خاطرينه چالشمغه كندىني مجبور كورمبيلور . بوتقديرده سياست فعلية دولت ومسائل عموميه مملكت سياست احزابيه ، تأثيرات شخصيه اقسام ايدر . بوندن مملكتك نه درجهده متضرر ووجدان ملك نه مرتبه متأثر اوله جفنى تعريفه حاجت يوقدر .

بوتلهلكيه قارشوده فسح برعلاجدر . ايش كوردميه چك برحاله كلمش اولان بر مجلس مبعوثانى دكشديرمكدن بشقه چاره يوقدر . شوقدر كه مجلس مبعوثانى پریشان ايدن كثر و اختلاف احزاب ملت اينچنده موجود بولنه چق اولور ايسه بوعلاج براز تاثيرسز كي كورينورسده مملكتك معروض اولدنى تهلكى تقدير ايدن منتخبلارك مجلسه صاغلام بر اكثريت كوندرملى پك مختلدر . باخصوص ملتك حيت وكياستى بوكا كفالت ايدر . باهر برشاهد اوله رق هيئت جديده مبعوثانى كوستره بيليرز .

بيان اينديكمز اختلافاتك غيرى اوله ق مجلس مبعوثانك فسخي اقتضا ايدن احوال سائرده يوق دكلدر .

بعضاً مملکتده یک بیوک مسائل اقتصادی ، مالیہ و عہدیہ ظهور ایدہ بیلور کہ عاجلاً حل و تسویر لری ایجاب ایلر . حکومت بویله مسائلک حلندہ اولجہ ملتک ایچندن چیقمش و آردن خیلی زمان یکمش اولان بر مجلس مبعوثان ایله استشارہ نی کافی کورہ من . ایستر کہ بویکی مسائل معضله جدیدہ بتون ملت ایله استشارہ ایسون ، یکی منتخبلرک فکر لر نی آسون مثلاً بر تجارت معاہدہ سی عقد اولنه حق و بر کولرک نوعی و اصول وضعی تبدیل ایدیلہ جک آتی ایچون بر نمہدہ کیریشیلہ جک مملکتک اداره سیاسیه سنہ یکی بر فعالیت ساحہ سی آجیلہ جق بویله مهم مهم مسائلده دورہ انتخابیہ سی براز ایلریلہ مش اولان و منتخبلرک عین فکرده بولنوب بولنمادقارندہ متردد اولان حکومت مجلس مبعوثانی یکیلہ مک لزومنی حس ایدہ بیلور . خلاصہ احوال کثیرہ واردر کہ سلامت مملکت ایچون مجلس مبعوثانک فسحی اقتضا ایدہ بیلور .

ملاحظات سالفہ یہ نظر آ حق فسحی هیچ بر رده مثلی کورلمدک بر مادہ یہ قصر ایتمک ، بوحق اولدینی کی قبول ایتماک و مملکتک منافع عالیہ سیاسیه سی دوشونمک دیمکدر . حکومتک ہیئت سابقہ یہ واقع اولان تعدیل تکلیفک بر فقرہ سی حال حریدہ مجلس عمومینک موقتاً تعطیلی مسئلہ سنہ عائد ایدی . اونوز بشنجی مادہ مک تعدیل حقندہ کی تکلیف سابق یوقاروده بیان و ایضاح اولنان شکلہ افراغ ایدیلنجه تکلیفک بوقسمنی تفریق ایلمک و نظام منطقی یہ توفیقاً بونی دخی یدنجی مادہ یہ علاوه ایلمک ایجاب ایدیور . حکومت تکلیف واقعدہ مجلس عمومینک موقتاً تعطیلی حال حرب ایله ققید ایتمش ایدی ، ہیئت سابقہ مبعوثانک قانون اساسی انجمنی بوکا بر قید دہ علاوه ایتدی یعنی حکومتک تکلیفی و حال حربده مدت اجتماعیہ مک نصفنی تجاوز ایتماک اوزرہ موقتاً تعطیل ، صورتہ قویدی . مجلس عمومینک قانون اساسی ایله معین اولان میعادندہ کشادی و مدت اجتماعیہ قانونیہ مک انقضاسندہ تعطیل ذاتاً حقوق حضرت پادشاهی جملہ سندندر . بورادہ موضوع بحث اولان تعطیل موقت تعبیرندن حکومتک مقصدی هر دولت مشروطہ دہ اولدینی کی مدت اجتماعیہ مک تأجیلندن عبارت اولوب یوقسہ قانون اساسی ایله معین اولان مدت اجتماعیہ مک قصری معناسنہ دکلدر . شو حالده مدت اجتماعیہ تأجیل ایدیلکی تقدیرده صوک جلسہ ایله مدت تأجیلک ختامندہ ابتدار ایدہ جک ایلمک جلسہ بینندہ یکہ جک زمان مدت اجتماعیہ یہ محسوب ایدیلہ میہ جکندن مدت تأجیل و یا تعطیلک اوج آیدن زیادہ دوام ایدہ بیلمسی ذاتاً مستبعد و بوابدہ بر قید احتیاطی وضعندن مستغنیدر . دیگر جہتندن

مجلس عمومینک موقه تعطیلی مدت اجتماعیه نک محسوب ایدلامک شرطیه تأجیلندن عبارت بولندیغه کوره بو حقک یالکز حال حربه حصری ده جای تأمل اولوب بناءً علیه سائر حکومت مشروطه ده اولدینی کبی بو حقک مطلق اوله رق حقوق پادشاهی صره سنه ادخالی ده مناسب کورلمشدر. چونکه مدت اجتماعیه نک تأجیلانی ایجاب ایده جک اسباب یالکز حال حربه منحصر دکلدرد.

شو نقطه ده دوشونمیدر که منافع عالیه مملکت ملاحظه سیله ازوم عاجل و سیاسی تحقق ایتدیکی بر زمانده مدت اجتماعیه نک تأجیلانه یعنی مجلس عمومینک موقه تعطیلنه امکان قانونی موجود اولمز ایسه ضرورت مصلحت تأجیل و تعطیلک کافی اولدینی برده حکومتی مجلس مبعوثانک فسخنه سوق و ابرام ایده بیلیر.

ذات حضرت حکمداری لدی الاقتضا مدت اجتماعیه نک تمهید ایلک صلاحیتنی حائر بولندیغه نظراً بوکا مقابل ینه لدی الاقتضا مدت اجتماعیه نک تأجیلنه قادر بولمیدر. مدت اجتماعیه نک تمهیدی منفعت مملکت ایچون اولدینی کبی تأجیل ده ینه او حکمته مبنیدر. مشروطیت عثمانیه نک قانون اساسی نی تعدیل ایله اکتساب ایلدیکی پارلمانتریزم شکلی اخلال ایدن ماده لدن بری ده اوتوز بشنجی ماده دن صوکره اوتوز سکزنجی ماده معدله در. بناءً علیه بو ایکی ماده بیننده دخی بر رابطه شدید واردر. او صورته کی ینه برینک تعدیلی ضروری اوله رق دیکرینک تعدیلانی ایجاب ایدر. چونکه بر حکومت مشروطیه شکل حقیقیسنی طبع و ختم ایدن نشان قوه اجرائیه ایله قوه تشریعیه بیننده کی مناسباتی تعیین ایدن احکام اساسیه در. بو مناسبته یا حکومت قوه تشریعییه متفوق و یا قوه تشریعیه حکومته متغلب و یا خود بو ایکی قوت معادل و متوازن بولندیغه کوره در که شکل مشروطیتک صفت حقیقیه سی تعین ایدر.

اوتوز بشنجی ماده فاحش بر صورنده قوتین بیننده کی موازنه نی اخلال ایدیور. اوتوز سکزنجی ماده دخی افنای موازننده اوتوز بشنجی ماده دن آشانی قالمادینی ادنی تأمل ایله آکلاشیلیر. بو ماده موجبنه حقنده عدم امنیت بیان اولسان ناظر و قایینه سقوط ایدر. اشته قوه تشریعیه نک قوه اجرائیهیه هیچ بریده مثلی کورلدک بر تجاوزی ده. قانون اساسیمزک یدنجی ماده سی وکلانک عزل و نصبی حقوق پادشاهی جمله سنه ادخال ایدیور. صوکره اوتوز سکزنجی ده وکلانی ایتدیکی وقت اسقاط ایلک حقیق مجلس مبعوثانه وریور. آرده بیوک بر تناقض کوریلیر.

مشروطيتك - اساسندين برى ده قوه اجرائيه ايله قوه تشريعيه بيننده تفريق وظائف قانونى اولوب بر قوتك ديكريتك حوزه صلاحيتنه نعدى ايتمى بواساسى وخيم بر صورتده اخلاخل ايدر . بناء عليه اساس مشروطيتى محافظه " ماده مذكورهده ساقط اولور . و سقوط ايدر تعبيرلر بى روح مسأله ملامت اولمق اوزره استعفا ايدر تعبيريله ابدال ايدرك مادهك بو صورتده تعديل ايجاب ايدىيور .

يوقاريدين برى بيان اولنان اساساتى حكومت عريض و عميق تفكر ايدرك اوتوز بشنجى ماده ايله بونك تعلق ايلديكى يدنجى و اوتوز سكزنجى مادهلرك اساسات مذكوره به موافق اولهرق تصويب ايلديكى تكليفلرى مستعجلت قرارى طلبي ايله هيئت جديده مبعوثانه توديه مسارعت ايدىيور . اميد ايدرز كه هيئت جليله كنز حكومتك فكر ومقصدينه اشتراك ايله قانون اساسيمزك بك بيوك بعض نقصانلر بى اكاله همت بيورر .

ادنوز بشنجى ماده بربنه قائم اولمق اوزره تكليف اولنانه ماده معرله لاجرمسى :
« وكلا ايله هيئت مبعوثان آرمسند اختلاف اولنان مادهلردن برينك قبولنده وكلا طرفندن اصرار اولنوبده مبعوثان جانبندن اكثريت آرا ايله و مكرراً رد ايلديكى حالده وكلايك تبديلى و يا خود مجدداً و اوج آى طرفنده انتخاب اولمق اوزره هيئت مبعوثانك فسخى حقوق پادشاهى جله سندنر . »

برنجى مادهك تعريبنه عام تكليف :
يدنجى ماده [اوتوز بشنجى ماده موجبنه مجلس مبعوثانك اوج آى طرفنده انتخاب اولنوب اجتماع ايتك شرطيله و هيئت اعيانك موافقتيله فقره سى طى ايديلهرك]
« لى الاقتضا مجلس مبعوثانك فسخى و مدت اجتماعيهك تاجيلى حقوق مقدسه پادشاهيدندر . »

ادنوز سكزنجى مادهك تعريبنه مقدره كى تكليف :
.....
تيجة استيضاحنده هيئت مبعوثانك اكثريت آراسى ايله حقنده عدم امنيت بيان اولنان ناظر استعفا ايدر .
رئيس وكلا حقنده عدم اعتماد بيان اولندينى حالده هيئت وكلا هب بردن استعفايه مجبوردر . »

طلعت محمود خورشيد عمود شوكت عامم عبدالرحمن نسيب سعيد
حبرى آرتستيدى جايد امراه نائل محمد سعيد